

喙

鳴

詩

集

喙鳴詩集目錄卷八

五言律詩

家園春日

喜雨

送客歸黃山

別陸無從

送叔父歸

贈趙客

早秋送人北上

錢塘觀水漲

逢呂中父

遊鶴林寺

瞿脰湖

七夕舟中

越溪

逢故友

迷樓懷古

登焦山

送人宦東陽

戴叔倫墓

贈歐子暉

玉河新柳

長安人日

送長子縣劉尉

輓盧九潤之

哭亡弟六郎

送趙相公歸蜀二首

陸氏庄二首

長安道夜歸

送陳氏赴遵化教諭

答相者

紫閣

九日送洪山人之魏郡赴張使君招

送馬氏赴晉陵教諭

擣素二首

讀謝枋得傳

漁父

與王仲房酌

寄四十二家叔

楊氏別業

紀別八首甲戌二月簾中作呈沈幼真

承家叔賜問小詩奉答兼問箕仲兄

送彭穉修下第二首

顯靈宮宴坐

喜雨

新月戲贈于可遠納姬

寄題史氏紫雲館是金吾生處

送茅平仲歸潤州 拜經筵日講兼起居注

秋日憶君房 臨淮李侯輓歌

張孺覺招飲阻雨不赴賦呈

贈相人者

和屠田叔霞爽閣春日閒坐三首

游大慈寺 游寶嚴寺

宿招寶寺

泛舟城南

出郭

柳亭菴

宿山家

螢

送人之雷州

田居作

西山

望霏衢田家

郭南田家翁

放舟

贈朱叔明

太白山上方

各詠一物得倦飛鳥

乞食老人

贈飲者

哭內江趙相公四首

十五夜詣君房時方禱雨二首

暮入龍華寺曉起四望在萬山上賦此紀遊

小晦山家

秋夕庄居寄陸比部

育王寺與金無傷作

余寡婦

夜雨別親知

七夕

留滯揚州三首

山家為王員外

柳

送黎祕書惟敬致仕歸嶺南二首

聞吳中大饑有自沉與經者作詩悼之

送客之淮安

送彭節推之溫州

己卯歲暮

聞郝謙伯生子喜贈

有懷十八首

寓感寄所知

送客

送僧歸四明

後紀別六首

送客

紫陽觀作

和人待除贈內

清明憶慈園

枯魚過河泣

餞李都督出鎮山西二首

予告省親識喜

靈巖寺

偶感

阿城阻淺陰雲四合王別駕來顧

鳴詩集卷八

四明 沈二貫肩吾 著

五言律詩

家園春日

芳樹掩衡門
春風澹酒樽
雲青楊子宅
草綠董生園
委運知天意
銷聲混市喧
明時容偃仰
散髮布衣尊

喜雨

江城明野燒
旱魃厲秋天
太守如無雨
農家豈有

年濕雲看出樹甘澤喜平田莫問西成事鷄豚早
宴然

送客歸黃山

萬壑擁空岑孤峰下夕陰鳥歸松影没人靜月華
深黃帝去已遠白雲留至今鳴琴幽澗底獨夜老
龍吟

別陸無從

黃葉過蕪城相逢道姓名知君素心者願結久要
盟野舫雲齊落湖帆雨亂鳴再三揮別手萬古一

含情

送叔父歸

孤航春首路渡水夕增波
山色隔江好潮聲近岬
多桑榆人老矣朝暮夢來何
報我雙親道兒時未
渡河

贈趙客

何來稱趙客意氣似邯鄲
好俠黃金盡閉門春草
寒老無慙歲月貧不落衣冠
獨有虬髯在高歌天地寬

早秋送人北上

蘆葉壯心驚淒涼似羽聲一樽遽北發萬里盡西
行蓬梗人猶汎蓮花氣不平漸離高館下無處有
平生

錢塘觀水漲

客行無樂事一步不如歸數日河魚上千溪石燕
飛濤青烟樹小風惡亂鴻微處處牛羊下天寒深
堦扉

逢呂中父

君自鄉山至悲歡問起居故園經歲別花事近何
如倚和時禽韻飛揚天地廬崢嶸豪氣在吾欲共
牛車

遊鶴林寺

廢寺倚林端荒碑欲讀難日長猿果落秋老鶴松
寒葦敗無天白楓狂雜雨丹可憐生滅意飛鳥下
空壇

瞿脰湖

西風罌脰湖積水曠東吳岫樹微於點江天青欲

無羈腸終日遶客計一舟孤買酒三家市蕭蕭夾
岸蘆

七夕舟中

令節陳瓜果歡聲出苑牆桂花微露彩榆樹遠成
行斗酒江天白孤舟落葉黃南飛靈羽去誰為結
津梁

越溪

曉泛越溪船江清十丈牽雖云鄉井隔漸喜語音
便舊俗茱萸酒芳隣松柏年清風送歸棹蘿月夜

娟娟

逢故友

猿斷尚啼秋逢君江上樓自言時命謬無復友生
求離獸思豐草飛蓬感故丘遠慚行牧者五月一
羊裘

迷樓懷古

錦纜照青潯龍舟艤鶴林翠華臨閣迥珠綴俯江
深桂月明妝色蘭風望幸心誰知千載後雲霧晚
沉沉

登焦山

昔賢嘉遯地山水尚無喧水逝人如在山高道與
尊迴波悅土性落石倚潮痕到處飄零迹何年來
灌園

送人宦東陽

幾看春草歇仍為一官留海月泊漁浦江帆入婺
州青氈猶舊物白髮滿孤舟何處堪長嘯吾家八
詠樓

戴叔倫墓

在金壇城南

尚有碑全在曾無字可摩山川人代異烟雨墓門
多是日中和節詞人倚舊歌臨風滌杯杓吹綠自
東波

贈歐子耕

楨父之子

青瑣傳舊物年少有歐郎詩力無人勇才名與父
長嶠雲迷布襪江月入奚囊千里騰驤意神駒不
可當

玉河新柳

幸托天家近應言帝澤私東風一夜力南陌萬條

絲繫馬低堪供藏鶯綠漸疑關山風物異誰向笛
中吹

長安人日

三年長作客七日又為人旅館浮雙塔殘燈作四
隣尚寒花事淺近塞鴈聲頻莫騁乘春意徒增百
感新

送長子縣劉尉

白晢美姿郎青春墨綬香片霞過上黨遠樹涉清
漳問俗全分晉歌風尚似唐送君以蟋蟀聲入曉

山蒼

輓廬九澗之潤之老姬作客客而輒死

白骨藏何地新詩仲落暉一生初作客匹馬不同
歸人世交游少詞場物色稀獨憐機事盡應化野
鷗飛

哭亡弟六郎

羈思不曾開秋風少鴈來如何雙鯉至倏報伯牛
災死去憑誰語魂歸定幾回朝朝春草夢今日委
蒿萊

送趙相公歸蜀二首

慷慨天下事于今曾幾入簡命親承帝流言尚及
身三已終歲路九死一孤臣賜玦非君意明朝憶
釣綸

得喪何常有妍媸合自知誰能容骨體獨解妬蛾
眉末路頭顱白私恩涕淚滋飛鴻征旆外猶得整
相隨

陸氏庄二首

出門何所往命酒即前期驅馬翩然至流鶯總未

知水縈方苑住天與艷陽私坐久更啼鳥清風習
習吹

輦草堪留藉流泉足洗杯春餘池館在吾戴接羅
來鳥倦群鷗狎花遲細雨催故侯歌舞地歸騎總
徘徊

長安道夜歸

雙塔破山影斷霞留夕陰鴻鳴極浦靜月上東堂
深病骨驚時序寒梅識古今正逢三五夜隣婦莫
愁砧

送陳氏赴遵化教諭

可能無尺寸虛此鬢頭花三輔試青簡諸生朝絳
紗薊雲寒竹笈邊月靜年華長日談經處知君擅
九家

答相者

事拙悲鷄肋人閒媿馬曹道心殊未長微尚豈能
高宿雨沉孤夢秋風颯二毛奔蹏非我志因謝九
方臯

紫閣

紫闥自生香聲華滿道傍百司方敬諾諸客又滌
揚伊呂無前軌蕭曹竟末行三光凋不盡千載樂
何央

九日送洪山人之魏郡赴張使君招

九日送君行黃花意不勝酒當燕市別高自太行
登返照臨龍塞悲風度馬陵故人今遽汝幾夜問
青燈

送馬氏赴晉陵教諭

之子腹琅玕公車獨運何能三獻玉聊用一彈

冠澤國秋容老
漉田鴈影寒
彼都人士美誰共採
芳蘭

擣素二首

玉露凜寒色
玫瑰刺斷腸
雙星照閨閣
片月擣冰霜
節赴清風急
聲隨白鴈揚
小姑宜記取
休嫁羽林郎

天外家家韻
閨中寸寸心
參差似相應
淒絕
書此夜懸刀
尺何時見藁砧
人人聽下淚
霜深

讀謝枋得傳

朔風吹漢月胡馬暗神州
燕市孤臣死中原王氣
收程嬰空有恨龔勝得無憂
千古崇真院傷心水自流

漁父

江海日風波乾坤奈爾何
深蘆維短棹空港答長
歌故國相將老鄰舟或並過
遊絲常罥網河飲不須多

與王仲房酌

傾我門前蓋盍君頭上簪
第教雙耳熱何畏二毛
侵明時箕顙意歲暮滄洲
心未得相將去空堂一
夜深

寄四十二家叔

蒼蒼高閣裏詩思與誰
新晉代林中士堯時物外
臣禽魚命酒伴江海給
閒身可羨非龍性神龍不
可馴

楊氏別業

園列初榮日
群啼狎惠風
通流魚飲沫
香薄鳥爭

聚招鶴烟翎近參鷗野性同高陽虛左席潦倒讓
山公

紀別八首甲戌二月簾中作呈沈幼真

燕市慘相持荆卿與漸離任朝玄尚白忍染素為
緇伐國人何問披裘牧者誰丈夫墮地異七尺有
鬚眉

天地立斯須江山去鬱紆昔人皆愛鼎吾道在乘
桴梅福今逃漢梁鴻舊入吳幘知南北路不用泣
楊朱

海上少田耕春來拾蚌鯉持酣千日酒絕勝五侯
鯖未擬冠裳會難知天地情子真巖谷下白眼漢
公卿

病馬玄黃色臺高不可攀卸鞍歸舊主留骨向青
山矯鳳三千里飛龍十二閑前途君自慎休使鬢
毛斑

憶昔挾書來公車不用媒孫弘正開閣郭隗遂登
臺月桂人皆伐露桃誰敢栽如何談密坐今日有
餘哀

叔夜甚不可淵明歸去來暫隨鷓鴣入終與海鷗
迴白玉公家署黃金自古臺歲寒巖壑下亦有桂
花開

一病損朱顏青春憶故山歲時馳傳盡車馬問程
還高枕滄波濶長歌海霧間故人書札至童子一
開關

樹老因為社蘭鋤本在門小人懷舊土一室自稱
尊謀國今如此微官何足論所嗟天下事流涕滿

乾坤

承家叔賜問小詩奉答無問箕仲兄

信至知無恙雙鷗日益親
清狂樂酒德談笑獎人倫
時世迷青眼江田老病身
仲容相對在科跣竹林春

送彭穉修下第二首

相知何自晚春杪薊門逢
已恨桃花暮空嗟柳色濃
鷺濤江九折蠡浦夢千重
藉甚誰能掩人傳翰墨蹤

衆人嗟漢落之子獨瓌奇
不以燕金盡而懷楚璞

悲空囊貯肝膽雄劍朗鬚眉收豕青山下孫弘未
後時

顯靈宮宴坐

休沐棲靈境齋心對鬱羅篆烟深夜直鳥語暮春
多世事悲移壑人生感俟河阮公長嘯處黃鵠幾
回過

喜雨

觸石纔膚寸群聲動地歡不因炎令久誰識解恩
寬九扈應占穰諸祠且罷壇願言三日後匹馬向

人乾

新月戲贈于可遠納姬

三葉數堯蓂鉤金鑄水精曲眉纔隱見纖耳半丹
青忌滿辭終夕分光及小星吐生方此始仙孕幾
時靈

寄題史氏紫雲館是金吾生處

浚谷晴光麗靈丘淑景遲亭開蓬島象花貯艷陽
姿珠網揚梅塢霞文豆蔻枝似移丹穴近風靚九
成儀

送茅平仲歸潤州

僑居慘不樂舊隱復何如
欄損春前藥蟲殘雨後
書廢機迎汝意燃桂入秦餘
昔日江潮至牽綸尚有魚

拜經筵日講無起居注

海色動晨曦秋風稱袷衣
肅行隨象入端笏待龍
飛玉漏猶沉箭金華已敞闌
時平無主聖簡牘數行稀

秋日憶君房

棲息總依禪楊雄玄又玄青雲伯夷傳白首南華
篇故里梧桐後空巖桂子前已知搖落意秋色盡
堪憐

臨淮李侯輓歌

昔聞河帶誓今見壑舟移不繫青驪影能無白馬
悲雅歌祭征虜驛馬鄭當時空有祈連色秋燐雨
後吹

張孺覺招飲阻雨不赴賦呈

勝招成屢失此日復愁霖疲馬先人倦浮雲掩戶

深涼生蘄簟夕嵐墮博爐陰明日風光好開尊向
竹林

贈相人者

燕市逢唐舉吾今不問年形骸寄江海勲業往神
僊素祿終何補玄經或可傳自當安蹇劣慚謝九
方歎

和屠田叔霞爽閣春日閒坐三首

危構層霄外中天積翠分藥盤承顥日茗椀啜流
雲酒與鶯花醉人同鳥雀欣妙香留客暝嫋嫋霧

中焚

四望盡嶙峋何方見早春偶隨江燕翼來作海鷗
人明月光蘭佩青雲瑩葛巾逃堯應未忍近市作
間民

樹樹青相亞枝枝盡欲花嬌鶯當戶細倦鳥觸林
斜鑿沼貯甘雨疏牕延落霞頻繁下君榻渾欲近
移家

遊大慈寺

我來尋淨土十里憩松陰池色空諸有山光明佛

沁金精歸上界琪樹隱中林明發慈雲嶺青關掩
月深

遊寶嚴寺

高山薄雷夕微雨濯煩襟鳥性欣蘭砌人聲遠竹
林十年懷想意一日坐觀心定作田居隱時來發
磬音

宿招寶寺

遂登多寶地來聽梵潮音海月夜能照晨風秋欲
深峯嶢一山外曠烈四天陰不有扶桑日安知天

地心

泛舟城南

超然嘯儔侶鼓枻白鷗群
新雨深江色斜陽淺嶼
文出鶯來海谷歸鳥入吳雲
小豁胸中滯嚴城盡
角聞

出郭

出郭春將晚舟中領翠微
雲光翻鳥去雨色滯蜂
歸楊柳村堪繫桃花鰕
已肥不能舍田父蓑笠坐
依依

柳亭卷

燕飛江寺白，罷梁一舒眉。
山斷雲歸處，鶯啼客到時。
綃文絳桃淺，線縷綠楊滋。
縱闕琴尊御，年光入藻詞。

宿山家

公等領丘壑，四時開茂林。
竹風搖壁影，松月墮窗心。
陰野酌侶可，悅病罷今已。
深從來松桂裏，盡是古人心。

螢

點點復依依青光瑩葛衣似星紛可摘銜火照還
非乍滅疑遵晦方明又續輝一辭僊苑出猶認讀
書幃

送人之雷州

庾嶺去猶賒居黎半雜華山藏椰子樹溪落蒟醬
花望月應千嶂窺天自一涯微官是何物秋雨送

征車

蒟醬具音

田居作

天青山一色歸鳥入虛無麥浪翻新穗桃霞點故

株賤驕堪翫
髒髒短飽任
侏儒未遂三
山去焚香亦
可娛

西山

頓忘芳草怨
佳此綠蘿寒
躡磴高低上
緣源互屢
看暗雲微杏
火鳴瀨雜松
湍搔首嗟無
負良辰縱
目寬

望鄴衢田家

海氣日蒸天
居人亦自憐
深春千嶂雨
瘠土一刀
田官稅無高
下農時浹歲
年干戈今告
罷漸有幾

家烟

郭南田家翁

舊識此村好還同谷口尋杖藜看黍色席草話桑
陰海月寒騰照秋雲坐隱深宅邊慈姥竹濁酒一
開襟

放舟

羸病居無樂出門欣歲豐餘糧棲隴上熟棗落園
中露重蓮房冷霜深柿葉紅葦符應罷警一檝任
西東

贈朱叔明

人生信有命皇路去無階
獨友人千古幽居海一涯
浮沉空里巷放浪老形骸
宅畔凌虛塔登臨孰與偕

太白山上方

拂霧躋危磴披烟數亂山
一松承日起群鳥送雲還
細溜經寒澁初苔得雨斑
心馳縞衣使獨此伴僧閒

各詠一物得倦飛鳥

記得學飛年人驚鷺鷥一翎橫四海孤影度千
門天遠遊今倦花明眼欲昏君恩寧不貴臺沼怯
乘軒

乞食老人

無戚亦無歡無衣亦不冠月明蟬腹冷天遠鶴翎
寒竟日或不語無旬時一食世人無所用寫作畫
圖看

贈飲者

只頌劉伶達還稱阮籍真盛誇豪飲事顧笑獨醒

人擁劒螯猶在鷗夷腹屢塵二丘糟築就百歲可
沉淪

哭內江趙相公四首

鳳歸天際巖麟逝帝家廬西終猶瞻彩中朝忽訃
書道高如不肖才大固多餘遽委蒼生望孤雲飛
太虛

紕閣投簪日青郊返旆初後生嗤狗曲門客掛蛇
書楚澤方歌鳳濠梁正樂魚訃來長已矣無命欲
何如

歲隱東方木天移北斗杓大名垂寶鼎異數出公
朝晏坐憂天下明時耻聖堯爽靈應不死陟降在
丹霄

五丁移壑夜一柱忽傾西盛德門生誅嘉名太史
稽白雲已犬吠紅葉杜鵑啼欲哭羊曇路山川處
處迷

十五夜詣君房時方禱雨二首

病骨支離甚猶堪坐二更入門據左席索主出金
甌如此蟾蜍影難為蜥蜴情悠悠天萬里隱隱墮

鍾聲

月明如積水只少向人流豈謂星河夕翻令雲漢
愁民勞迄不雨天旱意中秋側息無窮意鳥還人
倚樓

暮入龍華寺晚起四望在萬山上賦此紀遊
寺出飛鳥外妙高千古臺翻驚昨日暝何以御風
來雨脚懸初旭雲腰起大雷因知無色界諸幻更
瓌哉

小晦山家

雜沓萬山中登臨賈數筇偶從樵客飲因見古人
風霧與松枝冷秋歸柿葉紅暝樓烟樹裏石鏡挂
溪東

秋夕庄居寄陸比部

虛室度華年無營只自眠雲中三秀藪戶外一峰
懸江月澄秋水溪霞紺夕烟膺心無一事書札若
為傳

育王寺與金無傷作

坐擁百花新皆山獨早春雄談齊一指妙諦演三

身鐘似魚龍定僧於虎豹親心知白雲事何日淚
迷津

余寡婦

衆人皆有匹之子獨無他汗竹湘君淚心香梵帝
家愁懷掩寒雨空影落飛花待到同歸日蘭閨無
限嗟

夜雨別親知

積雨暗江蘋蕭蕭鳴向人可憐別時意全是夢中
身客棧投雙燭漁燈照四鄰長懷竹林士寂寂甕

頭春

七夕

病卧他鄉閣情懸故國樓空庭無喜鵲獨客愧牽
牛梧影猶通月蘋花竟入秋青山望轉積惟見水
悠悠

留滯揚州三首

驚心飛海月三度照揚州簾捲蒼苔夕人閑綠桂
秋青陽江上老白髮雨中稠不及門前水滔滔逝
不留

逸氣在重霄經時卧寂寥天空鴈翎迅秋遠鶴聲
高雲霧開孤劒風塵颯二毛霍然推枕坐今日廣
陵濤

何以遣羈思茶香松下烟啼螢秋雨後飛鳥暮鐘
前白社聞歌日青樓索酒年西風鳴萬壑何處一
春偏

山家為王負外

浚谷幽人宅中林處士家波濤上松樹歲月滿桃
花童子調黃鶴僊人養白鴉客來何所事相對飲

流霞

柳

柳色太無情
青樓心暗驚
方從笛裡度
又向陌頭生
繫馬絲偏弱
窺人眼忽明
春光離別盡
何用擲流鶯

送黎祕書惟敬致仕歸嶺南二首

我愛黎夫子
風流自古情
詩成宮女誦
朝散酒人迎
雲霧江鷗濶
菰蒲海燕輕
天長一杯酒
丘壑掌中生

春風方汎汎楊柳不生悲已出榮枯外安知攀折
時墨花飛桂樹賦草托辛夷今日冥鴻翼鷁鸞不
敢窺

聞吳中大饑有自沉與經者作詩悼之

月冷江楓夜天長野蕨秋饑鷹驅鬼物白日覩泉
幽魚鰲翻爭得烏鳶或見求縱能封汝骨麥飯幾
時丘

送客之淮安

卷帙辭交侶趨庭拜府君清霜高古驛匹馬隱寒

雲淮海波濤息江河氣色分一官休自小列宿總

天文

送彭節推之溫州

山水畫開衙僊官駐永嘉群峰團橘柚一雨見桑
麻吏事空庭樹閒心小塢霞鳴騶山館下驄馬欲
生花

已卯歲暮

勝帖從兒問辛盤祇自憐鬢蒼今日夜親遠此涯
天霜為寒鍾白河當海樹懸江山將歲月併積公薊

門前

聞郝謙伯生子喜贈

萬事從今足誇君得鳳麟試啼必英物入掌見奇
珍湯餅集佳客桑蓬慰老親椒聊有繁實猶待後
庭人

有懷十八首

有序

此十八子余同年館友也各有奇抱辛巳
歲余再入京而落如晨星愴然感賦

危言領時論遠逐瘴河濱榛莽蛇吞象溪山鬼笑

人涼生簾簾夕煖入柳瓢春何必嚴灘上垂釣是
隱淪

趙汝邁

隨牒粵臺

自拂桑皮紙閒書桃葉歌定情知有以樂志豈須
多蟲口殘虹雨楓橋春水波扁舟任來往落日一
漁蓑

韓存良

請告長洲

玄尚資三劒浮名握一瓢白雲空大澤明月度長
橋左臂應為彈雄場不復梟吳王鬪鷄處鬼火向
人燒

沈道立

歲舟吳壑

崢嶸負奇氣勲業掌中看一別青門酒頻加白字

餐萍踪逐浪易橘性度江難雙劍來何暮朝朝斗
際寒

范汝益

薄仕閩海

鐵馬初寒日金莖欲露時百勞從此去比翼更何
期縹緲洪厓嶺虛涼梅福祠尚留鷄犬在須遣八
行知

張明成

高卧洪都

綴草賢崔瑗傳經癖杜公風雲將事會丘壑與心
同儉德存吾道微言感聖衷歲寒東海上携手入
無終

朱少欽

執經金華

昔作同心樹今為斷梗流微官白雲物一醉清源

秋露泣刺桐浦風儻檄攬洲百年惟道貴四海任
悠悠

習時甫

左竄泉州

桴葦通寒候壺觴隱座深鮮雲宮樹色片雨帝梧
陰溫飽元非志湏眉獨信心坐斜天際月香篆落
沉沉

羅一甫

陸沉金馬

獨有東方朔能高大隱名遨遊漢天子談笑魯諸
生殿礎春方潤樓陰晝屢橫正勞答客難車馬任
逢迎

王忠伯

徘徊講席

舉世無青眼佳盟獨杜康壯圖垂巨腹善譴侮諸

郎名馬方駢伏游龍且戢翔日高談塵動旗鼓正
相當

徐公望

談笑金閨

海隅方散髮魏闕未關心山澤形骸苦冰霜水月
深諸生何是古宰相不非今烟雨樓前別片帆風
不任

沈幼真

息鞍攜李

不飲奈人何浮名感逝波斗牛窺閣度日月校書
過夜雨傷鶡鴒春風閉薜蘿欲將三命理持以訊
羲和

黃鳴周

寐寔校書

撫劍燕山外驅車易水前賈生傷鵬日季主拂龜

年世事庭闈
好人情妻子
全任他譏屑
屑幽夢落
鐔川

田德甫
匿彩延津

圃澤故多賢
榮名及少年
明心既皦日
高義復雲
天孤劍秋風外
一珠明月前
何為大梁道
裘馬自
翩翩

張南榮
謝病梁園

倚劍岌堯閣
彈琴寂莫臺
風雲詩思遠
山海酒腸
開千兔毫曾
禿雙魚信不
來汾陰方欲
駕遲爾子
雲才

李元甫
息影犍為

後輩推文體
東方領大風
授經最批析
造膝何從

容迹與金門隱心將黃石同鳳皇雖五彩今日羨
冥鴻

于可遠 避色東阿

已就韋家業還窺鄴架書開心生錦繡酬價有璠
璣蜀道人來少巴江月出初羨君謝天伐高咏白
茆居

陳元忠 韜名巴國

帝里班荆日仙林和郢年筆搖七澤動墨散五湖
妍星自中宵墮人疑渤海仙若為頻夕夢尺鯉竟
茫然

李本寧 鍛羽荆山

中山長命酒四海太平時翰墨無前輩風流有故

知鴛鸞欣再集犬馬愧先資珍重今朝會應知白
日私癸未喜諸友至作附此

寓感寄所知

萬戶烟雲動三春物色虛中原多難日頻歲荐饑
餘群盜方蠶食高堂且燕居不知建旄者悲笑復
何如

送客

白髮今如雪大冠空若箕身無一筭復囊有七哀
詩水國停橈日江山命酒時愁君驟鶴去歲晏只

相思

送僧歸四明

聖諦應無住
神人以不材
大江持咒去
苦海踏蘆
迴禪誦荷香
入經行桂影
開死生
憑佛力
飛錫幾
時來

後紀別六首

留滯非吾土
窮通信彼蒼
交游成薄道
勲業待通
方飛藿初零
落平蕪始播
揚
疏峰開小閣
八桂已
芬芳

家貧富丘索長日暮歸田過雨殘荷晚經霜紫鱗
鮮雲峰結禪寂海月期神僊自好殊不淺長空秋
眇然

山濤雖少怪叔夜自無堪疊浪奔鯨怯歸途老馬
諳天寒傷翠竹髮老愧青衫酒德劉伶頌吾今意
亦甘

竟日行還止頻時喜亦悲金猊寒欲暝鐵馬夜初
嘶雪涕今如此天心未可知濁醪有妙理沉醉復
何之

封章觸聞罷長鋏歌歸來秋水淮揚遠片帆江上
開欲從唐尹卜誰信屈平哀莫怪吾醪濁淹留只
數杯

難將憶別意說與賦歸人酒熟清明火花殘小徑
春稻梁生計足竹葉性情真明月鄉山外西風吹
一身

送客

鞍馬照西鄰垂楊送北津誰云強項令甘作折腰
人縱目歸青鳥搔頭到白蘋帝鄉三度發緇鬢此

回新

紫陽觀作

碧落曙闌開祥風吹玉臺一山大野盡萬里連天
采枕上雙鴻慶窓中衆壑哀僊人同六博鼓掌夜
深回

和人待除贈內

待除衣屢散望遠鏡頻圓梅熟將成雨花狂欲上
天孤燈方自照尺組為誰妍後夜思歸意泠泠別
鶴絃

清明憶慈母

萬山懸夜瑟

恩春秋惟往日去

斷魂

枯魚過河泣

莫食楚江魚魚中有

天白雲收潦水黃葉覆菰

蒲肝膽笑仍在風雲

有無波臣安用泣河涸也

當枯

餞李都督出鎮山西二首

都督名家子長亭酒觴深先零耕戰策關輔結交
心拂劍搖邊月看鴻到上林何由紆北顧須使絕
南侵

永日非吾事全家赴國讐出師橫地脉轉戰到天
頭角裏單于小弓煎白草秋歸來漢天子獨拜冠
軍侯

予告省親識喜

庭綵歸游子宮袍識近臣共誇晨省日正是晝游
辰十載燈花結千齡賴葉新寸心猶去住何以答

君親

靈巖寺

支策探禪源峰迴出寶幡經行無事事梵唄不言
言棲樹龍光寂依龕燕羽尊前山有明月坐殺一
林猿

偶感

南八真男子陳三亦丈夫單衣寸心絕隻矢一身
孤霜雪人俱厲乾坤氣獨舒臨風歌古調流涕滿
平蕪

阿城阻淺陰雲四合王別駕來顧

客望甘泉渴君携時雨來片雲新出樹長日共衝
杯歸路心能竄迷方眼又開看余御風去一夜到
蓬萊

喙鳴詩集卷八終